

Vnd Joel. am andern Capitel. Fürchte dich nicht liebes Land/
denn der Herr kan auch grosse ding thun/ ihr Kinder Zion freuet
euch/ vnd seyd frölich im Herrn ewren Gott/ der euch Lehrer der
Gerechtigkeit giebt/ vnd euch herab sendet Frü vnd Spatregen wie
vorhin/ etc. Hiemit kan sich Ewer Lieb nun auch trösten / die ihr das
vergangene Jahr auch auff ewren Feldern Gottes Hand gefühlet
habt/ wenn man nur Busse thete/ vnd frommer würde/ vnd doch das
vnzeitige neiffeln vnd zanken/ neiden vnd beissen/ den verfluchten
Geiß vnd andere Sünden einstellte/ einer mit dem andern ein herz-
lich mitleiden trüge/ vnd aufhülffe so viel möglich/ so were jo noch
wol hoffnung/ daß Gott im Himmel diß Jahr wider erstatten wür-
de/ was vorm Jahr die Hagel vnd Schlossen hinweg genommen.
Denn die den Herren fürchten/ haben keinen mangel an irgent ei-
nen gut/ sie werden nicht zu schanden zur bösen zeit/ vnd in der Zer-
rung werden sie gnug haben/ Psalm. 37. So lang aber solche Laster
noch bey vns im schwang gehen/ so lang ist auch kein Segen Got-
tes zugewarten. So viel von diesem Punct/ geb Gott/ daß
solche Lehr grossen Nutz schaffe in vnsern Herzen.

A M E N.



Die

Joel. 2.

Psal. 37.